

For jül *(Autorin: Katharine Ingwersen)*

Bål as et Jül, doch gräin san noch da Feene,
e Deege kouert än junk än long da Eene.
Et as en Hiimlikhäid sö stal önj ååle Jarne,
hiil sächtdåtseelew, weer't bai Üülje unti Bjarne.

For arken Mansche as et like trååwal,
heer wårke Woksne, än deer en Bjarnekååwel,
än arken åån, di mötj ham fliitij räiere,
wan bai e Hamel blänkere da Stäiere.

Än åål dat Uugen, Prousen, Schüseln
namt goor nåån linje, jeeft niinj Tid to püseln,
bit dåt di liiwe Jül dan kiimen as,
dan as följklåår, dåt hoow ik fåli was.

Sö kamt di Wunter dan, di mötj ai breege,
än brååt en sniiwit Bleech ouer Fälj än Weege.
Sö mäi di liiwe Jül dan to üs kaame,
ma Fröide wan sin Lok önjtiinj we naame.

(In: Ingwersen, Katharine. 1959. *Wat ham rimet än ok ai*. Niebüll: Nordfriesischer Verein für Heimatkunde und Heimatliebe e.V. S. 21.)